

**Uunga siunnersuut: Kommunit aqunneqarnerat pillugu Inatsisartut inatsisaat nr. xx xx xx 2010-meersoq****Akissuteqaat**

(Nunamut Namminermt, Pinngortitamut Avatangiisinullu Naalakkersuisoq)

**Aappassaaneerneqarnera**

Nunami namminermti pissutsit pillugit Ataatsimiititaliap inatsisissatut siunnersuutip suliarineqarneranut atatillugu peqqissaartumik sulisimanera Naalakkersuisut sinnerlugit qujassutigaaara. Nuannaarutigalugu maluginiarpara ataatsimiititaliap siunnersuut tapersersormagu.

Nunami namminermti pissutsit pillugit Ataatsimiititaliaq pitsaasumik suleqatigalugu maannakkut aqutsinermut inatsisip atuuttup 2008-imi akuersissutigineqartup ajuusaarnartumik kukkunertai iluarsivagut

Naalakkersuisut aalajangiusimavaat aningaasarsianut tunngatillugu siunnersuummi aalajangersakkat aammalu tunngavissaqanngitsutut isigalugu kommunalbestyrelsini ilaasortat immikkut ittuni ataatsimiititaliani aningaasarsiaat ilassuteqartissallugit.

Naalakkersuisut isumaqarput siunnersuummi § 8, imm. 4 ataatsimiissutissanik nassiussuineq aamma § 11, imm. 2 aamma § 16, imm. 3 attaveqarnermut atortorissaarutit kommuninit kiffaanngissuseqartumik atorneqarsinnaaneri pisarialik isumannaarneqareersoq.

Naalakkersuisut ataatsimiititaliaq qutsavigissavaat inatsisissap pineqartup suliarineqarnerani peqqissaartumik suleqataanerannut kiisalu inatsisissap suliarineqarnerani ajunngitsumik oqaloqatigiittarsimanernut.

Nunap eqqartuussisuunerata Nakkutilliisoqarfiup siulittaasusnaanik taassumalu ataatsimik arlalinnilluunniit siulittaasup tullisnaanik toqqaasarnernani siunertaasoq tassaavoq, siulittaasumik toqqaanerup Namminersorlutik Oqartussat allaffissornikkut politikikkikullu aaqqissugaaneranniit attaveqanngitsuutinnissaa. Kommuninut inatsisinik ilisimasaqarneq Nakkutilliisoqarfimmi annertusiniarlugu siulittaasup taassumalu tullersortaasa toqqagaasut inatsisilerituutut soraarummeersimasuussapput.

Kalaallit Nunaanni Nunap eqqartuussisuunerata Nakkutilliisoqarfiup siulittaasuanik taassumalu tullersortaatut toqqagai tamarmik inatsisilerituutut soraarummeersimasuunerisa, suliat Nakkutilliisoqarfimmi aalajangerneqarsimasut eqqartuussivinnut nalinginnaasunut ingerlateqqinneqarsinnaanerat mattunnaviannngilaat.

Nakkutilliisoqarfimmi ilaasortat sinneri sisamaasut maannamut Inatsisartunit marluk KANUKOKA-millu marluk toqqarneqartarput.

Naalackersuisut siunnersuummi § 61, imm. 1-imi aalajangersagaq aalajangiusimavaat Nakkutilliisoqarfik qulakkeerunneqassasoq pisariaqartitsineq tunngavigalugu siulittaasup imaluunniit ilaasortat pingasut kissaatigippasuk ataatsimiittassallutik. Ulluinnarni kommunini nakkutilliineq maannamut inatsisit atuuttut tunngavigalugit Naalackersuisut oqartussaaffiisa ataaniippoq aamma Nakkutilliisoqarfiup sulinera siunnersuummi § 65 aamma aalajangersakkani kapitali 9-mi kommunit aalajangiisimanerannut toqqaannartumik akuliussinnaanermik aammalu kinguneqartitsinissamik aalajangiisinnaanermik Nakkutilliisoqarfik taamaallaat aalajangiisinnaassuseqarpoq.

Misilittakkat ersersippaat Nakkutilliisoqarfiup pisussaaffitik ingerlanniarlugit inatsisitugit aalajangersakkamik aalajangersimasunik akuttussusilinnik ataatsimiittarnissaat pisariaqarsimanngitsoq. Siunnersuutip ilusilersornerani nunami maani pissutsit atuuttut tunngaviusimapput. Soorlu ataatsimiititaliap maluginiarsimagaa taava Danmarkimi nakkutilleeriaaseq alla siunertaminut naleqqutinngitsumik atuussimavoq. Siunnersuut manna tunngavigalugu Nakkutilliisoqarfiup piginnaaneqarfissat pisariaqartinneqartut tamaasa qulakkeersimavai aamma Nakkutilliisoqarfiup allattoqarfiani.

Taama oqaaseqarlunga siunnersuutip saqqummiunneqartup, Naalackersuisut allannguutissatut siunnersuutaat maanna aappassaaneerinermi saqqummiunneqartoq ilanngullugu pingajussaaneerreqarnissaanut ingerlateqqinneqannginnerani nunami namminermi pissutsinut Ataatsimiititaliami suliarineqarnissaa Naalackersuisut sinnerlugit inassutigissavara. Inatsisartut nunami namminermi pissutsinut Ataatsimiititaliaani oqallisigineqaq-qinneqartariaqarpat tamanna Naalackersuisut qilanaarivaat.